

沈氏醫案序

細閱魯珍沈先生醫案。用藥大抵豁痰清火之方。十有六七。不知者妄議爲偏於清火。殊不知先生盛名幾十載。其全活定以萬計。記載醫案。亦豈僅此一卷。宜溫其涼。宜攻其補。輒中肯綮者。未易勝數。予生也晚。無由窺其全豹。此恨事也。且就此一卷而論。其所施清火豁痰之品。俱出人意外。高人一等。庸醫之共見爲虛寒者。彼獨確見爲痰爲火爲鬱結。援引內經及丹溪東垣諸說。指證明晰。窮詰原委。且爲主病兼病之分。治標治本之論。次第不紊。詳略昭然。真若飲上池之水。而洞見臟腑者。豈同俗醫之約略彷彿。見外症而不審虛實。舉一節以概其餘。或執一己之私。或矯同道之說。或勦襲成方。而不思貫通。或攻爲奇異。以示聰明。以他人之性命。試我技術之短長者。所可同日語哉。若使先生果偏於清火。何以於後方所載。有時症而卽施參橘。後用大味丸收功。發熱而急進參芪。後用歸脾湯調治。乃知虛弱之症。宜補而補。仍能補人之所不能補者也。偏於清火之說。可不辨自明矣。僭弁簡首。以爲闕此書者解其惑。

庚午十月禮江閩邱松山氏記

沈氏醫案

沈魯珍著 蕭山謝誦穆校訂

汪周拔二令郎。年二十二歲。新婚之後。乃祖督課頗嚴。館于別業。經年不入幃房。肝火抑鬱而不舒。擾其精房而成夢遺。馬元儀以補腎澀精之藥治之。甚至厥逆不醒。謂其爲虛欲脫。竟以參芪鹿茸河車等藥補之。日甚一日。肌肉消瘦。臥牀不起。已經一載。于是延余診視。時八月下旬。見其飲食少進。噯氣而大便燥結。五六日一解。語言默默。小便黃赤。診其脈息。沉細帶數。察其形。唇口面色皆紅。肌肉雖瘦。潤澤而不枯。夜間坐而不臥。無倦怠之意。日間只食薄粥二盞。按其胸腹。板硬不和軟。此因補藥太過。壅塞腸胃。氣道不行。不能宣通。正所謂大羸有實也。因投以二陳加萊菔子山梔枳殼香附厚朴。仲元明粉服之。三劑後。大便去結糞三五塊。胸次稍寬。語言稍出。又進饅頭三錢。又去結糞五六塊。再服前煎方五六帖。大便去粘膩而黑色者不計。間與饅頭及清火理氣之藥。如得通泰。自是可進稀粥六七碗。然亦不覺大飢。又以保和丸加黃連。早晚服之。兩月後可進乾飯。余往還兩月。而門人蔡滄文居其家。常爲調理。至冬至後。步履如常。居宿于內。新春到舍奉謝。酬以千金。此康熙四十八年之事。其人號麗天。至今無恙。今元儀謂是渠調治而安。欺妄無恥。即此一案。可知其無不說謊。無一可信。而猶謬自著述。附會于他人之書尾。真鬼蜮也。雍正八年。海上沈璠。時年七十有八。天老久服右歸飲。其中有桂附甘草。甘草甘緩。不能下達腎家。桂附之性。留戀胃中。其熱性升而不降。所以兩足不煖。河間云。兩足冰冷者。此火不下降也。火降則足自煖矣。熱藥之性。積而不散。煖煉津液成痰。今交相火司天之年。夏暑薰赫之勢。內伏之痰火。得外風所觸。故胸膈不寬。嘔吐痰涎。汗出過多。此汗係胃中濕熱痰火。鬱蒸而泄。即東垣所謂地之濕氣。即爲汗也。診得脈息左手沉弦帶數。此肝火不靜也。右手滑大。關部尤甚。此胃中痰飲不清也。恐其大便燥結。痰涎上壅而嘔吐。釀成噎膈。反胃之症。內經云三陽結謂之膈。丹溪云噎膈之症。多起于

血枯痰膩。多升少降。大忌香燥熱藥。惟以豁痰清火潤澤之藥。而使大便不燥結爲第一着。

在老向有咳嗽之疾。緣勞心過度。外爲風寒所觸。內鬱之火竊發。土干肺家而咳嗽。已經四載。今交相火司天之年。內外之火。交相煽動。咳久肺絡受傷。痰中帶血。脈息左手弦細帶數。右手虛大帶滑。此係腎水不足。不能榮養肝木。肝火升騰燦金。難經云。東方實。西方虛。滿南方。補北方。理宜滋陰降火。納氣歸源之藥治之。煎丸並進。并宜寂靜調攝。庶不致喉爛聲啞。釀成勞瘵也。

可者數年前曾患血症。服寒涼之藥。得以相安。去年血症復發。他醫悞進熱藥。以致火來乘金而咳嗽。究其受病之源。腎水不足。不能榮養肝木。木火升騰。血隨火沸而出。今歲少陽相火司天。內外之火。交相煽動。致頻咳而咽喉痛。肺與大腸相爲表裏。火流於肛門而發毒。目前脈息弦細帶數。此腎水虧損。相火上炎。肺金受困之症。反以桂附炮姜等燥熱之劑。耗其腎水。燦其肺金。意欲求愈。難之至也。今且用滋陰降火保肺之藥。并應寂靜調攝。不使咽喉作楚。庶有佳兆。

生地

麥冬

地骨皮

川貝

苡仁

鮮百合

牛膝

知母

黃柏

瓜蒌霜

加茅根煎

因酒傷胃。胃中之血凝滯不散。隨氣上升。而吐粘膩紫色之血。此瘀血也。理應理氣消瘀之藥治之。使氣順而不上升。則血自下行。而不至上逆矣。誤用滋陰之藥。遂致胃中之瘀瘀不清。隨致上干肺家而咳嗽。胸膈不舒。脈息弦滑。此係胃中之瘀瘀不清。肝家有火之故也。暫用理氣消瘀清熱和胃之藥爲治。俟胸膈舒暢。然後以滋陰之藥。爲善後之計。治血症必先理氣爲主。氣順則血自歸經。此萬古不易之法也。

香附

山梔

桃仁

牛膝

鬱金

廣皮

枳殼

歸尾

黃芩

丹參

茅根

平素善飲。酒性大熱有毒。貯于胃中。燔灼津液而發渴。因將寒涼生冷之物。恣意而啖。致火鬱遏。不得發泄。流於

經絡而環跳作楚。入于腸胃而作血痢。達於肌表而皮膚作痒。乾燥。內火不得疎泄。擾其津液而愈渴。脈息沉瀦。此鬱火未經發越之故也。理宜和胃清熱疎理之藥爲治。并忌醇酒厚味生冷等物。

〔煎方〕

白芍

甘草

黃連

黃芩

香附

厚朴

山梔

滑石

木通

〔丸方〕

蒼朮

黃柏

黃芩

山梔

香附

廣皮

枳殼

石羔

白茯苓

木通煎湯法丸

季老受病之源。得之君火司天之歲。夏令炎熱之時。感冒暑熱之邪。以致大便洩瀉。卽內經所謂暴注下迫。皆屬于火也。熱邪上衝。心生血。肝藏血。肝爲相火。兩火相煽。則血隨火沸而上逆。肝爲將軍之官。其性暴。主疎泄。其氣鬱而不舒。逆于腹中。則腹不寧。不時噯氣。準繩云。噯氣火土之氣。鬱而不舒也。氣道不舒。故塞于語言也。肝火不得疎泄。上升則頭眩。下降則腹作鳴。胃主肌肉。犯胃則肌肉跳動。擾其精房。則夢遺泄滑。心藏神。肝藏魂。二火相煽。則神不寧。而臥不安也。陽事者。宗筋之會。肝之所循。火亢于上。故常舉而不痿也。得以小便而痿者。肝火從溺而泄也。蓋下有二竅。有水道。有精道。精道閉則水道開。水道閉則精道開。脈息沉而帶數有力。種種諸症。皆係肝氣鬱而不舒。肝火不得疎泄之故也。理宜清肝火。疎肝氣。利水道之藥治之自愈。但時值冬令閉藏之月。木火內伏。不能條達。至春氣發生。木得疎泄。自然却去病蒂矣。

龍膽草

黃柏

連翹

山梔

夏枯草

木通

青皮

香附

枳殼

賓老平昔嗜酒。酒性濕熱。積于胃中。薰灼于口。而舌爲之糜碎。下注膀胱。而小便爲之渾濁。綿延已久。脾氣大虛。飲食減少。而覺無味。脈息短小。此脾虛而濕熱未清也。理宜健脾氣。清濕熱。加味六君子爲治。

白朮

人參

甘草

熟半夏

廣皮

茯苓

黃連

石炭

薑香

白葛根

陰虛火炎而吐血。上燥肺金。腠理不密。外邪乘虛襲肺。而咳嗽入於大腸。腹中作痛。下利見血。脈息洪大。此火得風而熾也。理宜疎風理氣之藥爲治。俟咳嗽稍平。然後以滋陰降火之藥培其本。

蘇子

杏仁

枳殼

廣皮

前胡

薄荷

白芍

甘草

黃芩

香附

加生薑

蘇州吳佐臣案。經云。陽絡傷則血外溢。因勞力過度。有傷胃絡。血瘀胃中。則肝火上升而吐。所來之血。厚而黏膩。此瘀血也。理宜消瘀降火。順氣之藥治之。又因補之太早。餘瘀未盡。所以今春復吐。既吐之後。陰血有虧。肝火上燥。肺金而咳。脈息弦細帶數。此腎水虧損。肝火妄動。肺金受困之象也。理宜滋陰降火。保肺之藥爲治。

生地

丹皮

麥冬

川貝

白芍

北沙參

瓜蒌霜

黃柏

知母

地骨皮

加蓮子

南匯東門外周振育。經云。九竅不通。腸胃之所生也。胃中痰積壅滯。不得通泰。所以鼻爲之病。逐去胃中之痰積。使從大便而出。則鼻竅自利矣。

半夏

廣皮

枳殼

香附

瓜蒌

山梔

黃芩

木通

萊菔子

加生薑

又服續痰丸

南匯東門外金時成。胃中有痰。外受風寒。鬱而不舒。上干肺家。肺家閉塞而聲啞。非勞病久嗽之聲啞也。

半夏

廣皮

杏仁

蘇子

枳殼

前胡

薄荷

黃芩

山梔

鮮薑蒲根

加姜

嘉定王佩玉令姊。肝火鬱于胃中。不得條達通暢。以致作脹攻衝作嘔。注於大腸。則爲泄瀉。脈息弦數。經事不至。此乃木鬱土中。理宜扶脾疎肝之藥。

香附

山梔

黃芩

枳殼

廣皮

白朮

厚朴

青皮

白芍

水煎

東山夏姓。胃中濕痰。隨火下注精房而遺滑。誤以補腎瀉精之藥治之。以致濕痰糾結于胃。飲食少進。難以運化。脈息弦滑。右手關部尤甚。胃中有濕痰。肝家有鬱火也。理宜豁痰清肝之藥爲治。

半夏

廣皮

枳殼

瓜蒌實

厚朴

香附

山梔

加姜煎

魏提臺。年六十九。平日勞心思慮。氣結痰凝于胃。春三月得不寐之症。每至夜間。胃中如焚。煩躁不寧。目不交睫。晝則稍安。毫不倦怠。飲食雖進而無味。諸醫俱云心血不足。用天王補心丹。有饒心腎不交。而用加味地黃丸。有議思慮傷脾。而用歸脾湯。愈覺日甚。將有發狂之兆。如此者兩月餘。延余診視。面色紅亮而浮。脈息沉小滑而有。力。關部尤甚。此乃肝火鬱而不舒。胃中膠痰固結而不通也。經云。胃不和則臥不安。又云。陽明病不得眠。大便三四日一解。用礞石滾痰丸三錢。大便去黏膩之痰不計。二便如火。以二陳石氣。黃連。山梔。石菖蒲。鉤藤。瓜蒌實。枳殼。連進四帖。即能安臥。然有時胃中如火。又用滾痰丸三錢。又去白痰碗許。仍用前豁痰清火之藥。丸服二十日全愈。一月後又停食冒風。胃脘作痛發熱。用消導之藥平安。後用加味六君子湯調養。康健倍常。

分巡道朱一鳳。幼孤而貧。讀書作文。借酒陶情。濕熱蘊蓄於胃中。上薰于口而糜爛。愈後或每月一發。或兩三發。發必咽痛而口碎。乾飯入胃。痰涎溢出口角。已經六載。不能却去病蒂。雍正三年夏末秋初。延余診視。面色紅亮。大便燥結不渴。畏茶湯。先以蒼朮。厚朴。廣皮。旋覆花。石氣。枳殼。黃柏。萊菔子。湯藥連進三劑。頗覺相宜。細思濕痰非湯液所能治。即以前藥去旋覆。加瓜蒌實爲末。用淡姜湯法丸服半月。覺膈舒暢。大便去黏膩痰飲不計。口內

不流凝亦不廢爛矣。

俊宜徐和脩。平昔嗜酒。則知濕熱之蘊于胃者久矣。加以夏令熱邪侵襲。至收斂于內。交一陽和動之時。內斂之邪。流動發越而爲痢。春夏邪氣散漫。流注經絡而作痛。俗名痢後風也。診得脈息左手弦。右手弦且滑大。此濕熱滯于腸胃。失於推盪。以致流注經絡。而支節腫痛。治宜理滯氣。清濕熱之藥。

厚朴

枳壳

廣皮

木通

滑石

蒼朮

黃芩

黃柏

秦朮

加桑枝煎

張壽南。肝火鬱於胃中。不得疎泄。而寒熱如瘧。胃脘或時作痛。脈息洪大而弦滑。此胃中有痰。肝家有鬱火也。宜豁痰理氣疎肝之藥爲治。并宜清虛淡泊。則胃中清爽。而痰自無矣。

柴胡

青皮

半夏

廣皮

山梔

香附

黃芩

甘草

枳壳

加姜煎

松江張殿舟。天稟素弱。腎水不足。夏令兼暑熱之邪。至秋發瘧。瘧愈而暑邪未清。補劑與葷腥太早。致餘邪未清。流注于背脊支節之間作痛。擾其胃中之血下流。而爲便紅。至春令發生三月。餘邪外達。復寒熱如瘧。交夏令內伏之火炎熾而熾。加之酒熱助火。胃中之血隨火而升。脈息左手弦數。此肝火妄動也。右手洪大。此胃中之火不靜也。火來燦肺。故痰中帶血。肺氣布于胸膈。致氣升不舒。目下降氣清火。火降則血降。治血必先理氣。氣降則血自歸經。而不致上逆矣。暫用理氣清火。服四劑後。胸次舒暢。氣不上升。然後以滋陰降火。清金保肺之藥治其本。并宜戒惱怒。忌一切肥膩辛辣醇酒厚味爲主。

生地

蘇子

鬱金

丹參

枳壳

黃芩

山梔

棗仁

薑仁

白芍

川連

牛膝

荷葉汁

茅根

懷娘。肝家之火。鬱而不舒。煨煉津液成痰。隨火上升。咽嚥之間。結成有形之象。升降無時。上升則頭眩耳鳴。降下則兩足麻痺而熱。脈息左手弦數。右手帶滑且大。此乃鬱痰鬱火症也。理宜和胃豁痰清肝之藥治之。并忌醇酒厚味。戒惱怒爲要。（唐露玉令堂）

川連

黃柏

石炭

半夏

廣皮

香附

山梔

桔梗

甘草

瓜蒌

夏枯草

加姜煎

丸方加貝母夏枯草湯法

太倉錢因之令娘。懷娘平昔有肝火。所以善怒。每每產後必作血暈。此因肝火而作暈也。懷娘之時。肝氣鬱而不舒。鬱之既久。則產後空虛。其火上衝而作暈。平時兩足冰冷。此火不下降。火氣上蒸于頭。則髮墮目下。懷娘六月。腰痛而帶下。飲食少進而作脹。脈息弦數。此腎水不足。不能榮養肝木。鬱于脾土之中。恐火氣擾其血分。而有墮胎之慮。理宜扶脾疎肝。清火之藥治之。

白朮

白芍

條芩

枳殼

香附

廣皮

白茯苓

黃柏

甘草

崇明龔永和。痰火鬱于胃中。不得通泰而作痛。用通利之藥。肛門覺熱。小便黃赤。此火氣下降也。因痛而飲燒酒。得以暫止者。蓋熱得熱。則同氣相求。似乎相安。而實助其爲患也。理宜清火和胃理氣之藥爲治。

半夏

廣皮

黃芩

石炭

香附

山梔

青皮

枳殼

黃柏

瓜蒌實

揚州東門外顧友仁兄。飢飽不時。惱怒傷肝。有傷胃絡。經云。陽絡傷則血外溢。致吐瘀血。已延四載。不時竊發。去血過多。陰分受傷。肝火上燥。肺金而咳嗽。痰涎頗多。脈息左手弦而帶數。此肝火妄動也。右手又見滑大。此胃中有痰也。先宜戒惱怒。省言語。調飲食。避風寒暑熱。靜養調攝。并服滋陰降火。保肺清金之藥爲治。

生地

丹皮

川貝

廣皮

麥冬

骨皮

白芍

瓜蒌霜

崑山邵政平令郎。腎水不足。不能榮養肝木。肝火上升。外受風寒。胃中之痰。隨火上干肺家而為咳嗽。用發散之藥。升提其火。以致吐血咳嗽不止。痰涎頗多。至五月初復發。脈息弦數。此水衰火亢。肺金受困之症。理宜滋陰降火。保肺之藥治之。

生地

丹皮

麥冬

白芍

黃柏

知母

貝母

丹參

骨皮

牛膝

加茅根煎

東山劉永傳。瘧疾之後。飲食不節。脾傷不能運化。而成積滯。胸腹脹滿。按之堅實。日漸以大。大便或結或澀。後重不爽。面色痿黃。脈息左手沉弦。右手滑大。此肝氣鬱而不舒。胃中積滯糾結不清也。理宜扶脾胃。疎肝氣。消積滯藥。

白朮

枳實

半夏

廣皮

香附

山梔

厚朴

青皮

萊菔子

山楂

濮院吳廷來。胃脘作痛而嘔吐。乃肝火鬱胃而成。誤服熱藥。幾至危殆。用清火和胃之藥。嘔吐已平。但鬱久未清。有時上逆。脈息弦數。此胃不和而餘火未清也。當以和胃清火之藥治之。

半夏

廣皮

山梔

香附

石菖

川連

瓜蒌

青皮

枳壳

加姜

平湖陳晉公。平素多思多鬱。肝火鬱于胃中。不得疎泄。煨煉津液成痰。阻滯氣道。飲食入胃。則作脹而痛。近因春令。肝木用事。惱怒傷肝。以致左脇作痛。以手按之亦痛。肝為藏血之臟。怒則傷肝。而血為之鬱。經云。大怒則癰于上。令人薄厥。將來慮其隨火上升而吐。脈息沉弦而澀。此瘀血阻滯。胃中作痛也。理宜行滯消瘀。理氣之藥治之。

今先用一味大黃丸。以逐胃中之血。從大便而出。并慮其成噎膈之症也。

桃仁

歸尾

鬱金

牛膝

香附

山梔

青皮

半夏

廣皮

大便黑色故知其有瘀血也。

服酒蒸大黃丸二錢。大便去結糞黑色黏膩之物不計。肛門覺熱。則知鬱與瘀血無疑矣。但胃中尚未清爽。所以胸膈不能寬暢。背心作痛。在此肺膈也。經云。諸氣贗鬱。皆屬於肺。因鬱之久。火氣不能通達。以致作痛。今診得脈息弦大帶數。因服通利之藥。火氣得以發泄故也。調治之法。先講開鬱消瘀潤大便爲要。結則肺膈不通而痛。內經云。三陽結爲之膈。三陽者。大小腸膀胱也。結于下則反之于上。而噎膈之症來矣。常將湯液滑潤之物。滋其大便。并服蔗漿梨汁蘆根汁。而使大便不燥結爲妙。

白芍

甘草

桃仁

當歸

鬱金

香附

山梔

枳殼

半夏

廣皮

夏枯草煎湯服

黃江涇沈上林令堂。娘娘受病之原。得之惱怒。抑鬱之于胃中。煨煉津液成痰。隨肝火上升於結喉。皮裏膜外。結成痰塊。氣滯而日漸以大。內經云。榮氣不從逆於肉。裏乃生癭。腫因氣滯。而痰凝不散所致也。脈息左手沉弦。右平關部獨見沉滑。肝家有鬱氣鬱火。胃中有膠痰糾結。理宜理氣豁痰之藥爲治。并忌醇酒厚味等物。

半夏

廣皮

萊菔子

葶實

枳殼

香附

山梔

黃芩

夏枯草

白芥子

青皮

丸方加海石竹瀝生薑

壽南兄。去冬感受寒邪。背脊惡寒。寒束其火。不得疎泄。流注於胸膈之間。攻衝于胃。或痛或不痛。寒熱似瘧。此冬令寒邪。至春發越。故爲寒熱也。誤用參芪白朮。閉其腠理。邪氣內伏。故寒熱雖止而不清。肺家則爲咳嗽。脈息洪

大而弦。此內火鬱而不舒。理宜豁痰理氣疎肝之藥治之。連進數劑。自然全愈矣。

柴胡

茯苓

甘草

枳殼

半夏

青皮

廣皮

山梔

香附

前胡

加姜煎

常州江甸方。幼時有夢遺之病。此肝火妄動。擾其精房而來。醫者俱以補腎澀精之藥瀆之。其火不得下降。反以桂附助其火。其火愈熾而上升。血隨火沸而衄血。今值純陽之月。內火與外火。交相煽動。而胃中之血。大吐不止。胸膈不寬。喉中作痒。此吐後不歸經絡之血。留滯胸間。肝火鬱而不舒。脈息左手弦數。右手洪大有力。此胃中餘瘀未盡。肝火不靜。理宜消瘀清火理氣之藥治之。并宜清虛淡泊。一切醇酒厚味。暫宜停止。俟胃中氣降火降。胸膈寬舒。然後議調補之法。為善後計。

桃仁

歸尾

香附

山梔

牛膝

丹參

白芍

青皮

滑石

黃芩

茅根一兩

先服酒蒸大黃三錢

青浦潘麗文兄。飢飽不時。外邪乘虛襲肺而咳嗽。痰中帶不鮮明之血些少。因不避風寒。不忌葷腥。誤作勞症吐血而醫治。鬱其血邪在內。不得發越。綿延至今。咳嗽日甚。嗽極則嘔。胸膈不舒。大便滑洩。小便黃赤。肛門發熱。脈息左手弦大帶數。右手滑大帶數。此胃中有痰。肝家有火。鬱之既久。乘夏令火氣發越之時。肺家之火。流注于大腸。而為滑洩。並非脾虛作瀉也。理宜降氣豁痰。清火之藥為治。俟胸膈舒暢。痰火下降。肛門不熱。小便清白。然後以滋陰之藥培其本。暫忌醇酒厚味等物為要。

半夏

廣皮

蘇子

杏仁

香附

石燕

黃芩

山梔

甘草

加生姜煎

平湖王永年。胃中之痰。隨火升降。晝則行陽二十五度。隨火上升。滯于胸膈而作脹。按之有形。飲食難以下達。夜則行陰二十五度。隨火降下。而胸次舒適。注于精房而為夢遺。脈息弦滑有力。此胃中之痰。隨火升降而為患也。

理宜豁痰清火之藥治之。

半夏

廣皮

藜蘆

黃柏

枳壳

香附

梔子

萊菔子

川連

加姜煎

上洋馬頭渡李雲甫媳。二十歲。于二月十四日。患脇痛氣喘不得臥。數日。諸醫皆以風寒發散。或用降氣等藥。不能取效。平希于以爲肺脹。法在不治。余適往外家。經過門首。邀余診視。見其面青氣喘。兩脇作痛。不能合眼而臥。其母其姑。俱備後事。在患者之旁。患者見之淚下。診其脈。兩手弦急。無痰聲。鼻不煽。無汗出。即示未爲絕症。後事且緩。病者安心。心安則能安枕。此亦法也。此症當春令肝木旺之時。木火垂金。因擬一方。用白芍。甘草。瓜蒌。川貝。黃連。石羔。廣皮。鈎藤。蘇子。用生鐵二兩。煎湯煎藥。一劑後即能安臥。希于至。見其安臥。問余用何宗湯藥。此症木旺。故用鈎藤生鐵。助金以平肝。黃連清心火。石羔清肺平肝。蘇子降氣。貝母橘皮瓜蒌降痰潤肺。白芍甘草緩肝。彼亦心服。後皆希于調治而安。

浙江西新城李益書。平素服八味丸歸脾湯。數年後覺胸中痰火鬱結。大便五六日一解。頭面烘熱而紅。此因桂附太多。積熱於胃。煨煉津液成痰。脈息數大。用清火疎理之藥。病勢稍減。然苦于大便燥結。胸腹如燎。此鬱火不能外達。用涼膈散一兩。以瀉其鬱火。十月初旬用藥起。至次年正月下旬。腹中舒暢。肛門不熱。後服滋陰降火之劑而愈。

川沙北門外金隆吉令郎。二十二歲。七月初旬。患時症發狂譫語。氣急痰升。不能安臥。諸醫以黃連石羔連翹等清火之藥治之。半月不愈。迎余診視。面色唇口皆紅。身無大熱。按之胸腹和軟。大便滑瀉。小便清利。痰聲作齁。脈息虛大。不能安臥。細究此症。若陽明胃實。大便必結。胸腹按之必實。舌必黃胎。今無是證。觀其小便不禁而利。惟痰聲齁齁。此乃少年不謹。暑熱之邪。傷其元氣。清熱之藥已多。不能見效。難于下藥。以人參一錢。橘紅一錢。煎徐徐與之。以扶元氣而化痰。服完平安。又復煎與之。一晚計服人參七錢。橘紅七錢半。兩日服人參橘紅四兩。痰聲

下降。人事清爽而熟睡。復用六味丸生脈散調理而愈。

柴場灣唐虞在令政。懷娠七月。正月春初。倏而眩暈。兩手痠癢。不能言語。不省人事。面色紅亮。脈息左手弦而帶數。右手滑大有力。此肝火熾盛。上衝于胃。胃中之痰。擾心肺之竅。而昏瞶不省人事。因此而胎亦墮。用二陳加黃連。鉤藤。山梔。鮮石菖蒲。膽星。枳殼。鬱金。沖童便梨汁竹瀝姜汁。連進二劑。即能開口。而知人事。小產彼亦不知。後用涼血生地。丹皮。鉤藤。黃連。廣皮。丹參。鬱金。石菖蒲。甘草。加蓮子調理而安。

蘇州閶門外益隆號程希文。伏暑未清。葉天士用參朮補之。以致胸腹作脹。攻衝不寧。不能安臥。已經兩月。至十月十五日。延余診治。小便黃赤。飲食不進。用二陳加厚朴。青皮。香附。黃連。滑石。枳殼。四劑而諸症皆退。後用六味而全愈。

閶門外上津橋陳友文令郎。正月患咽喉作痛。用滋陰清火之藥。咽痛已除。而胸膈滿悶。痰涎上壅。飲食不進。不得安臥。已經兩月。邀余診治。門人杜良一同往。診得脈息甚大。口亦不渴。唯見痰涎上壅。胸中滿悶。而不能進飲食。此胃中有痰而不得臥。用滾痰丸三錢。下頑痰不計。即能安寢。而胸前舒適。復用二陳加石菖蒲。鉤藤。枳殼。連進四劑而愈。

蘇州齊門外蔣奶奶。寡居七載。勞心抑鬱。肝氣不能條達通暢。以致滯下腹痛後重。胸膈不寬而惡心。時當初夏。葉天士以爲不足之症。而用人參人乳等補劑。適余在吳門。延余診視。門人杜良一同往。診得脈息弦大帶數。腹痛後重。肛門如火。口乾氣急。此肝家鬱火。下注而爲滯下。上升而嘔惡。胸膈不寬。用黃芩芍藥湯。加厚朴。枳殼。香附。山梔。黃連。木通。滑石。一劑腹痛頓除。飲食可進。連用四劑。痢止胸寬。復用香附。廣皮。厚朴。枳殼。黃芩。黃連而病愈。

上洋南關外周襄文。七月初往松江完糧。途中奔走。百有餘里。兼之飢餓。發熱自汗不止。倦怠乏力。語言難出。脈息虛大。諸醫以爲冒暑。議用香薷飲。延余診視。脈息虛無力。汗出如注。無氣力轉動。即曰。此熱傷元氣。飢餓勞倦。

所致。即以黃芪五錢。人參三錢。白朮三錢。麥冬一錢。五味子七粒。連進三服。肝斂神復。以粥食與之。始得安臥。後用歸脾湯生脈散而愈。

崇明沈尙其。三消之症不一。有火衰不能蒸其津液上騰。小便清白而味甘者。昔漢武帝患此。張仲景以八味地黃丸始之。今尙其正是此症。服藥已稍愈。惟口內乾燥。小便如膏。足膝乏力。乃虛火上炎。肺金受灼。內經所謂諸痿皆屬于肺熱。脈息虛大。理宜生脈散治水之上源。八味丸補火爲要。

〔煎方〕

人參

五味子

麥冬

玉竹

黃芪

金石斛

生地

天冬

加蓮子

〔丸方〕

熟地

山萸肉

山藥

澤瀉

茯苓

丹皮

天冬

麥冬

肉桂

附子

崇明黃士端。肝火鬱于小腹。外爲寒涼所遏。不得伸越。以致結成有形之象。稍有所觸。上干肺家而作痛。攻衝不寧而嘔逆。脈息左手沉弦帶數。右手沉滑有力。此肝家有鬱火。胃中有痰飲也。理宜清肝火。疎肝氣。和胃豁痰之藥治之。

半夏

廣皮

香附

山梔

黃柏

桂枝

青皮

萊菔子

加生薑煎

黃士端後案。氣結于小腹之右邊。有形一條堅硬。此係外受寒邪。鬱其肝火。不得疎泄。遇冬令潛藏之月。火氣內伏。稍觸寒邪。則上干于胃。而胸膈脹滿。當以疎肝和胃清火之藥爲治。

蘇子

桂皮

沉香

枳殼

黃柏

香附

山梔

青皮

半夏

橘紅

瓜蒌

萊菔子

加生薑煎

崇明沈天章。飢飽不時。胃絡受傷。血瘀于胃。以致胸膈不寬。而吐黏膩之血。屢次竊發。脈息弦數。此乃胃中痰瘀。

糾結不清也。理宜消瘀理氣豁痰之藥爲治。今晚先服酒蒸大黃丸二錢。以逐胸中之瘀滯。使其下行。清晨方可
以煎方服之。

桃仁

歸尾

牛膝

丹參

滑石

半夏

橘紅

香附

瓜蘖

枳壳

萊菔子

加生薑煎

沈天章後案。瘀血留滯于胃者日久。服消瘀煎劑。大黃丸二服。其血已從大便去矣。但去之猶未盡。再當以消瘀
之藥。漸漸消之。使之下行。俟胸膈舒泰。氣不上升。即停丸藥。如覺氣升而逆。恐其血來。即以此方服之。

丹參

桃仁

半夏

廣皮

香附

滑石

牛膝

鬱金

瓜蘖

山梔

枳壳

茅根

丸方即以本方加萊菔子

崇明袁達九。去夏感受暑濕之熱邪。加之飲酒太過。蘊蓄于胃。不能通暢。以致胸膈不寬。飲食不進。面色帶黃。小
便短少而赤。大便燥結。脈息左手帶弦。右手滑大有力。此乃胃中濕熱積滯未清也。當以清濕熱和胃理氣之藥
治之。

半夏

萊菔子

瓜蘖

滑石

厚朴

廣皮

香附

山梔

木通

枳壳

加生薑煎

平湖江尙安。去春時症之後。不忌葷腥。致肺金不清。咳嗽吐血。延至冬令。火氣潛伏之時。內熱更甚。上升而燥肺
金。咳嗽日甚。胸腹如燎。下注而肛門發毒。大便不實。目前夏令炎炎之勢。不足之金。奚堪燔灼。脈息細數無神。此
乃水衰火亢。肺金受困之象。雖大便不實。乃肺虛因熱而跗踵。非脾虛之症。燥脾之藥。不宜多服。惟以滋陰保肺
清熱之藥爲治。

生地

麥冬

丹皮

苡仁

橘紅

白芍

骨皮

白苓

川貝

加蓮子十粒

太倉沙頭鎮孫金祥。平素善怒躁急。內有肝火。得外之風寒所觸。上干于肺。而咳嗽之極。則血隨火沸而吐出。脈息弦數。此乃腎水不足。不能榮養肝木。肝火上炎而燥肺。肺金受困之象。理宜滋陰降火清金保肺之藥。并宜戒惱怒。慎起居。不至釀成勞瘵也。

生地

丹皮

麥冬

骨皮

廣皮

川貝

瓜蒌

黃柏

知母

杏仁

加蓮子砂仁

下沙王敬哉。血症之後。腎水不足。虛火上炎。燥肺氣。不能納藏于下。上升而咳。因腎納氣。肺布氣。腎虛氣不歸源。故稍有動作言語。則氣上升而咳嗽。脈息虛大。兩尺尤甚。乃腎虛氣不歸源也。理宜補腎納氣之丸治之。

熟地

黃肉

丹皮

山藥

茯苓

澤瀉

五味子

枸杞

兔絲

磁石

砂仁

玉竹

麥冬

白芍

蓮肉

王敬哉令愛。女子十四而天癸至。今踰期不至者。此先天之真陰不足也。況有咳嗽吐血之症。乃水衰火亢。肺金受困之象。理宜滋陰降火保肺之藥為治。

生地

丹皮

骨皮

當歸

黃芩

白芍

白苓

花粉

麥冬

玉竹

加蓮子十粒

五灶蔡六老。胃中痰火糾結不清。干清虛之府。以致不得安臥。神魂不寧。脈息弦滑。此乃痰火充塞于胃也。先以滾痰丸二錢。淡姜湯下之。使痰從下竅而出。然後用豁痰清火之藥。并忌醇酒厚味為要。

半夏

廣皮去白

枳壳

石羔

鈎藤

黃芩

瓜蒌

萊菔子

石菖蒲根

加姜竹茹

新場程君燦。先天腎水不足。相火妄動。上燦肺金。外邪乘虛襲肺。發爲咳嗽。已服過疏之劑。外邪已去。惟有火氣上炎而乾咳。脈息弦數。此乃火亢肺金受困之象。理宜滋陰火清肺藥爲治。

生地

丹皮

麥冬

杏仁

川貝

蘇子

瓜蒌仁

黃芩

山梔

地骨皮

加蓮子

服滋陰清肺之藥。咳嗽稍減。夜可安寢。脈息不數。此漸愈之佳兆也。但必得煎丸並進。并靜養調攝。可免勞療之疾也。

〔煎方〕

生地

丹皮

麥冬

瓜蒌霜

玉竹

地骨皮

川貝

苡仁

知母

川柏

加蓮子

〔丸方〕

熟地

天冬

麥冬

茯神

棗仁

黃柏

知母

丹皮

骨皮

川貝

蜜丸白湯下

北六灶楊啓林。去冬患瘧。三日一發。此內伏之暑邪。與胃中之痰積。互爲患也。又因飲食不節。鬱而爲熱。胃中火氣上升而鼻衄。綿延至今不愈。脈息弦大帶數滑。此胃中痰積未清也。先宜清虛淡泊。臨發之日。只宜以薄粥養之。并服豁痰疎理清熱之藥。

柴胡

半夏

廣皮

香附

枳殼

川朴

茯苓

甘草

知母

青皮

熟石羔

加姜煎

金澤蔣元信。食入即吐。是有火也。脈息洪數。此肝火上衝于胃而吐也。理宜和胃清火之藥。

半夏

廣皮

茯苓

香附

山梔

石羔

黃柏

白芍

黃芩

加生姜竹茹茅根

嘉定西門外朱聖希。先天腎水不足。相火上炎。銷燦肺金而咳嗽。午後發熱。脈息虛大帶數。此水衰火亢也。理宜